

SUNPROX TABLET

Naproxen (275 mg)

Apakah yang ada pada risalah ini

1. Apakah kegunaan Sunprox Tablet
2. Bagaimana Sunprox Tablet berfungsi
3. Sebelum menggunakan Sunprox Tablet
4. Cara menggunakan Sunprox Tablet
5. Semasa menggunakan Sunprox Tablet
6. Kesan-kesan sampingan
7. Cara penyimpanan dan pelupusan Sunprox Tablet
8. Maklumat Lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah Kegunaan Sunprox Tablet

Ia digunakan untuk melegakan kesakitan jenis ringan ke sederhana dan juga untuk rawatan senggugut. Ia juga digunakan untuk merawat arthritis rheumatoid (gangguan sistemik radang yang menjejaskan sendi), osteoarthritis (penyakit sendi degeneratif) ankylosing spondylitis (penyakit kronik radang tulang), tendonitis (radang tendon), radang kandung lendir (Radang Bursa) dan gout akut.

Bagaimana Sunprox Tablet Berfungsi

Sunprox tablet mengandungi bahan yang dipanggil naproxen. Ia tergolong dalam kumpulan ubat yang dikenali sebagai ejen anti-radang bukan steroid (NSAID) yang mengurangkan demam dan rasa sakit.

Sebelum menggunakan Sunprox Tablet

- Bila tidak boleh menggunakan

Jangan menggunakan Sunprox tablet:

- Jika anda mempunyai ulser peptik aktif
- Jika anda alah kepada naproxen, aspirin, NSAID lain atau bahan-bahan kandungan lain Sunprox tablet disenaraikan di bahagian akhir risalah ini.
- Jika anda mempunyai asma, rhinitis (Radang membran mukus di hidung), urtikaria (gatal ataupun ruam), polip hidung dan simptom lain menjadi lebih teruk disebabkan oleh Aspirin atau NSAID.

- Sebelum menggunakan Sunprox Tablet

Anda perlu menyemak dengan doktor anda:

- Jika anda mempunyai masalah jantung atau strok
- Jika anda mempunyai masalah hipertensi (tekanan darah tinggi)
- Naproxen boleh menyebabkan alahan kulit yang teruk, contohnya dermatitis exfoliative, toksik epidermis necrolysis, Steven Johnson Syndrome.

Simptom ini termasuk ruam kulit, lepuh dan mengelupas. Ini boleh menjadi tanda-tanda keadaan serius. Sekiranya tindakbalas ini berlaku, berhenti menggunakannya dan dapatkan bantuan perubatan dengan segera.

- Jika anda mempunyai masalah buah pinggang atau hati
- Jika anda kronik alkohol
- Jika anda warga tua
- Jika anda mempunyai atau telah mempunyai ulser, pendarahan dan penebukan perut atau usus
- Jika anda mengalami dispepsia (rasa tidak selesa di sekitar epigastric kerana masalah pencernaan).
- Jika anda mempunyai masalah gangguan darah
- Sila rujuk doktor anda sebelum permulaan untuk menggunakan Sunprox tablet jika anda mengandung, merancang untuk mengandung, menyusukan anak atau berniat untuk menyusukan. Doktor anda akan menimbang risiko dan manfaat pengambilan tablet Sunprox.

- Jika mengambil ubat-ubat lain

Beritahu doktor anda jika anda mengambil sebarang ubat-ubatan yang lain, termasuk yang anda beli tanpa preskripsi dari farmasi, pasar raya atau kedai makanan kesihatan. Setengah ubat apabila diambil dengan Sunprox tablet boleh bereaksi sesama lain. Ini termasuk:

- Agen *anticoagulant/thrombolytic* (agen penipisan darah)
- Probenecid, sebagai terapi tambahan dalam antibiotik atau untuk gout
- Methotrexate, sejenis ubat yang digunakan untuk merawat arthritis reumatoid, dan juga kerana beberapa jenis kanser
- Prednisolone, ejen anti- inflamasi
- Frusemide, pil air
- Salicylate, ubat untuk melegakan kesakitan
- Lithium, untuk kemurungan
- Quinolone, ubat untuk merawat jangkitan
- Hyhantoin, ubat untuk sawan
- Sulfonamides, untuk jangkitan
- Sulfonyleureas, untuk kencing manis
- Beta-blocker, untuk tekanan darah tinggi

Cara menggunakan Sunprox Tablet

- Berapa banyak harus digunakan

Untuk rawatan reumatik, dos permulaan naproxen sodium adalah 275mg dua kali sehari, diselaraskan sehingga 1100mg sehari

dalam 2 dos terbahagi Ini untuk pengambilan secara oral sahaja. Oleh itu ia tidak disyorkan untuk kanak-kanak di bawah 16 tahun. Dalam gout akut, dos permulaan sebanyak 825mg diikuti dengan 275mg setiap 8 jam telah disyorkan. Untuk rawatan senggugut, 550mg boleh diberikan pada mulanya diikuti oleh 275mg setiap 6-8 jam jika diperlukan. Jumlah dos harian tidak melebihi 1.375g daripada naproxen sodium.

Doktor anda mungkin menetapkan dos preskripsi untuk Sunprox tablet yang lebih tinggi sehingga 1.65g sehari jika dinyatakan. Ikut semua arahan yang diberikan kepada anda oleh doktor dan ahli farmasi anda dengan teliti. Mereka mungkin berbeza dari maklumat yang terkandung di dalam risalah ini. Jika anda tidak faham arahan pada label, sila dapatkan nasihat doktor atau ahli farmasi anda untuk bantuan selanjut.

- Bila perlu digunakan

Ia perlu diambil bersama makanan.

- Berapa lama perlu digunakan

Ikut arahan yang telah ditetapkan oleh doktor atau ahli farmasi anda.

- Jika terlupa menggunakan

Jangan gandakan dos anda. Ambil dos seperti biasa bila tiba waktu untuk dos seterusnya.

- Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan di hospital terdekat anda, jika anda fikir anda atau sesiapa sahaja yang mengambil terlalu banyak ubat ini, walaupun tidak ada tanda-tanda ketidakselesaan atau keracunan. Anda mungkin memerlukan rawatan perubatan segera. Mengambil terlalu banyak tablet boleh menyebabkan separa loya dan senak, mengantuk, pedih hulu hati atau muntah.

Semasa menggunakan Sunprox Tablet

- Perkara yang perlu dilakukan

Ambil Sunprox Tablet mengikut arahan doktor.

- Perkara yang tidak perlu dilakukan

Jangan kongsi ubatan anda dengan orang lain walaupun mereka mengalami masalah yang sama.

- Perikara yang perlu diberi perhatian

Berhati-hati ketika memandu kenderaan atau mengendalikan mesin sehingga anda mengetahui kesan Sunprox tablet terhadap anda. Rujuk doktor atau ahli farmasi anda jika anda mengalami mana-mana kesan sampingan yang dinyatakan.

Kesan-kesan Sampingan

Seperti semua ubat, Sunprox tablet boleh menyebabkan kesan sampingan, walaupun tidak semua orang akan mengalaminya.

Kesan advers ubat pengambilan naproxen terutamanya melibatkan saluran perut dan usus. Sembelit, pedih hulu hati, sakit perut dan loya berlaku dalam kira-kira 3-9% daripada orang yang mengambil ubat ini. Gejala-gejala seperti cirit-birit, muntah, tiada selera makan dan perut kembung boleh berlaku. Naproxen boleh mengaktifkan semula ulser peptik (radang usus) dan menyebabkan ulser peptik (gastrik) pada pesakit yang tidak mempunyai sejarah ulser, pendarahan dan penebukan ulser boleh berlaku, kadang kala boleh menyebabkan kematian. Ketidakupayaan untuk menumpukan perhatian, kemurungan, ketakutan, berasa cepat marah, keletihan, kelesuan, ketidakupayaan atau masalah untuk tidur, dan mimpi yang abnormal juga boleh berlaku. Kulit gatal atau ruam dan perubahan warna kulit yang disebabkan oleh lebam mungkin berlaku. Gangguan pendengaran dan penglihatan serta kekurangan bilangan sel darah merah dan putih kemungkinan berlaku semasa mengambil naproxen.

Berjumpa doktor atau ahli farmasi anda dengan segera jika anda mengalami sebarang kesan sampingan selepas mengambil ubat ini.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No.Tel : 03-78835550, atau laman web portal.bpfk.gov.my (Consumers→ Reporting).

Cara Penyimpanan dan Pelupusan Sunprox Tablet

- Penyimpanan

Simpan pada suhu dibawah 25°C. Lindungi daripada cahaya.

- Pelupusan

Ubat tidak boleh dilupuskan melalui sisa air atau buangan isi rumah. Sila rujuk kepada ahli farmasi bagaimana untuk melupuskan ubat-ubatan tidak lagi diperlukan. Langkah-langkah ini akan membantu untuk melindungi alam sekitar.

Maklumat Lanjut

- Rupa dan warna produk

Bujur, biru, tablet bersalut filem

-Bahan-bahan kandungan

- Bahan aktif

Naproxen

- Bahan tidak aktif

- Microcrystalline Celullose
- Corn Starch
- Sodium Starch Glycolate
- Sodium Lauryl Sulphate
- Magnesium Stearate
- Povidone K30 (PVP K30)
- Isopropyl Alcohol
- Deionised Water
- Polyethylene Glycol (PEG 6000)
- Titanium dioxide
- Calcium Carbonate Light
- Talcum
- Lake Blue No. 2 (30-36%)
- Hydroxypropyl Methylcellulose

- Nombor MAL

MAL19961702AZ

Pengilang

Sunward Pharmaceutical Sdn. Bhd.
No. 9,11 & 17, Jalan Kempas 4, Taman Perindustrian Tampoi Indah, 81200 Johor Bahru, Johor, Malaysia.

Pemegang Pendaftaran Produk

Sunward Pharmaceutical Sdn. Bhd.
No.9,11 & 17, Jalan Kempas 4, Taman Perindustrian Tampoi Indah, 81200 Johor Bahru, Johor, Malaysia.

Tarikh Kemaskini RiMUP

11/01/2016

Nombor siri

BPFK(R4/1)070116/00003